

Bosna i Hercegovina
Federacija Bosne i Hercegovine
Zeničko-dobojski kanton
OPĆINA KAKANJ
OPĆINSKI NAČELNIK



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY KAKANJ
MAYOR OF MUNICIPALITY

I Z V J E Š T A J
o ostvarivanju politike jedinice lokalne samouprave i aktivnostima
Općinskog načelnika za 2016. godinu

OBRAĐIVAČ: Stručna služba za poslove Općinskog načelnika

PREDLAGAČ: Općinski načelnik

RAZMATRA I USVAJA: Općinsko vijeće

Kakanj, mart 2017. godine

Na osnovu člana 15. Zakona o principima lokalne samouprave u Federaciji BiH (“Službene novine Federacije BiH”, broj: 49/06 i 51/09) i člana 45. Statuta Općine Kakanj (“Službene novine Općine Kakanj”, broj: 4/08), Općinski načelnik na ____ sjednici Općinskog vijeća održanoj _____. _____.2017. godine, p o d n o s i:

I Z V J E Š T A J

o ostvarivanju politike jedinice lokalne samouprave i aktivnostima Općinskog načelnika za 2016. godinu

U V O D

Općinski načelnik je nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH jasno definiše da općina ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost nekoj drugoj vlasti na osnovu Ustava i zakona. U cilju poštivanja ustavnosti, zakonitosti i javnosti u provođenju općinske politike, načelnik Općine Kakanj dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova sa viših nivoa vlasti.

Radom Jedinstvenog općinskog organa uprave rukovodi Općinski načelnik, kao organ izvršne vlasti u Općini, a u skladu sa Ustavom, zakonima, Statutom i drugim važećim propisima. Rukovođenje Jedinstvenim organom uprave, Općinski načelnik ostvaruje putem svojih pomoćnika, koji neposredno rukovode službama za upravu.

U izvještajnom periodu aktivnosti Općinskog načelnika i Jedinstvenog općinskog organa uprave Općine Kakanj bile su usmjerene, kako na redovne (Programom rada utvrđene zadatke), tako i na vanredne poslove koji su se pojavljivali u toku rada. Aktivnosti Općinskog načelnika su u svakom trenutku bile usmjerene na poboljšanje položaja Općine kao jedinice lokalne samouprave, te podizanje kvaliteta života građana općine na viši nivo.

AKTIVNOSTI OPĆINE KAKANJ I OPĆINSKOG NAČELNIKA U 2016. GODINI

U toku izvještajnog perioda Općinski načelnik je usmjeravao djelovanje Jedinstvenog općinskog organa uprave Općine Kakanj u obavljanju poslova iz samoupravnog djelokruga Općine i nadzirao njegov rad. Aktivnosti Općinskog načelnika i Jedinstvenog općinskog organa uprave Općine Kakanj u 2016. godini bile su usmjerene u sljedećim prvcima:

I BUDŽET I FINANSIJE

Općina Kakanj je jedna od rijetkih općina koja je 2016. godinu započela sa usvojenim najznačajnijim dokumentom – Budžetom, bez potrebe za donošenjem Odluke o privremenom finansiranju. Bez obzira na brojne poteškoće, uspjeli smo ostvariti stabilizaciju Budžeta, uskladiti trošenje sredstava sa prilivom prihoda, te redovno izvršavati svoje obaveze, što je rezultat kontinuirane štednje i racionalne potrošnje budžetskih sredstava. Maksimalna pažnja posvećena je budžetskoj disciplini i uspostavljanju sistema kontrole finansijskog poslovanja, te transparentnosti rada organa uprave u svim vidovima. Sve glavne prioritete u rashodima Općina Kakanj je realizirala.

Općinska administracija se kontinuirano pridržava usvojenog Programa mjera štednje, kojim je propisana disciplina u trošenju i savjestan odnos prema budžetskim sredstvima, a i dalje su zastupljene uštede u svim segmentima. Redovno se podnosi i objavljuje detaljan izvještaj o utrošku tekuće budžetske rezerve, što je odraz opće opredijeljenosti da se osigura puna transparentnost utroška budžetskog novca.

II LOKALNI EKONOMSKI RAZVOJ, PODUZETNIŠTVO I POLJOPRIVREDA

U 2016. godini nastavljene su aktivnosti oko stvaranja što povoljnijeg poslovnog ambijenta, radi ulaganja domaćeg i stranog kapitala na području općine Kakanj, kao i otvaranja novih radnih mesta. Kakanj je postao prepoznatljiv po mjerama za pokretanje i razvoj poduzetništva, a posebnu pažnju zaslužuje širok spektar pogodnosti koje su omogućene investitorima. Općina Kakanj nastoji razvijati poduzetničku svijest među

mladim i nezaposlenim ljudima, te na taj način uticati na smanjenje stope nezaposlenosti na području naše općine. Također, nastojimo intenzivnije razvijati poljoprivrednu proizvodnju, podsticati poljoprivredne proizvođače kako bi proizveli značajnije količine poljoprivrednih proizvoda za vlastite potrebe i za potrebe tržišta, te na taj način obezbijedili egzistenciju sebi i svojoj porodici.

U cilju poboljšanja ekonomskog razvoja općine Kakanj kontinuirano radimo na iznalaženju potencijalnih investitora koji su spremni ulagati na području naše općine, organiziramo sastanke sa privrednicima i poljoprivrednim proizvođačima radi otklanjanja prepreka za razvoj privrede i nova zapošljavanja, promovišemo privredne resurse općine Kakanj, promovišemo razvoj poduzetništva i obrta, aktivno sarađujemo sa privatnim sektorom i iznalazimo nove mogućnosti za poboljšanje ambijenta za razvoj poduzetništva, kreiranjem budžeta i programa utroška sredstava težimo da se dio socijalnih izdvajanja pretvoriti u poduzetničku podršku, dajemo značaj vlastitom učešću poljoprivrednih proizvođača i poduzetnika u svakom pojedinačnom projektu, pružamo maksimalnu podršku lokalnom biznisu s ciljem da u najkraćem roku i na jednom mjestu poduzetnik riješi svoje zahtjeve, koji se tretiraju kao zahtjevi visokog prioriteta u radu općinskih službi, pružamo podršku postojećim poslovnim djelatnostima i motivišemo potencijalne poduzetnike na što ranije započinjanje novih poslova, u budžetu i programima planiramo podsticaje za razvoj poduzetništva, obrta i poljoprivrede radi motivisanja građana za otpočinjanje vlastitog biznisa, kroz pozitivne primjere radimo na povećanju poduzetnosti stanovništva, blagovremeno isplaćujemo podsticaje u visini plaćenih naknada za rentu i uređenje gradskog građevinskog zemljišta, sufinansiramo nabavke novih i tehnološki naprednih proizvodnih mašina i opreme za mala preduzeća i obrtnike s ciljem podizanja njihove konkurentnosti, osnažujemo programe obuke, prekvalifikacije i stručnog usavršavanja za nezaposlene osobe, sa posebnim fokusom na preduzeća koja donose nove i napredne tehnologije, gradimo infrastrukturu u poduzetničkim zonama i parcelama namijenjenim razvoju poduzetništva, radi ponude zainteresovanim investitorima identificirali smo slobodne lokacije za gradnju u blizini glavnih putnih komunikacija u državnom i privatnom vlasništvu, poduzimamo aktivnosti oko izmjene prostorno-planske dokumentacije, kako bi stvorili što povoljnije uslove za razvoj privrede, zapošljavamo i finansiramo rad volontera (VSS) u privatnom sektoru, promovišemo društvenu odgovornost preduzeća, te zajedničke inicijative i projekte, radimo na realizaciji programa razvoja turizma i korištenja turističkih potencijala, kao i korištenja termomineralnih voda, radimo na jačanju veza sa stanovništvom u dijaspori i dr.

Realizirane su brojne aktivnosti koje su usmjerene na jačanje poduzetništva i nova zapošljavanja, te brojne podsticajne mjere za pokretanje i razvoj malog i srednjeg poduzetništva. Kroz podsticaje privrednim subjektima koji su gradili poslovne objekte na području općine Kakanj, isplaćen je novčani iznos od **152.000,00 KM** na ime refundiranja dijela naknada plaćenih za zemljište, rentu, UGZ...

Tokom 2016. godine u Poduzetničkoj zoni "Vrtlište" u kojoj je izgrađeno nekoliko poslovnih objekata, a gradnja se i dalje nastavlja, izgrađena je kanalizaciona mreža za oborinske vode, te izgrađena unutrašnja asfaltna saobraćajnica. Za ovu svrhu utrošeno je **218.584,00 KM**.

Kroz projekat „**Pokreni svoj posao u Kakanju**“ u 2016. godini podsticaj je ostvarilo **26** nezaposlenih osoba (6 više u odnosu na prošlu godinu) koje su, uz pomoć Općine, pokrenule i registrirale vlastitu djelatnost. Korisnicima podsticajnih sredstava sufinansirana je nabavka sredstava za rad, repromaterijala, opreme i sl., za registrovanu djelatnost u maksimalnom iznosu do 3.000,00 KM i refundiraju se troškovi obaveznih doprinosa – PIO, zdravstveno osiguranje i osiguranje od nezaposlenosti (maksimalan iznos do 350,00 KM/mjesec), u trajanju od 12 mjeseci. Za realizaciju ovog projekta u 2016. godini utrošeno je 64.365,12 KM.

Cilj nam je da u narednoj godini povećamo broj registrovanih obrta i srodnih djelatnosti za 30%, kao rezultat podizanja poduzetničke svijesti i stvaranja povoljnijeg ambijenta.

Podsticajna sredstva namijenjena za refundaciju troškova osnivanja obrtničkih, trgovačkih i ugostiteljskih radnji i dijela troškova osnivanja preduzeća – d.o.o. u 2016. godini dobila su **72** pravna/fizička lica (17 pravnih lica – d.o.o, 9 ugostiteljskih, 7 trgovačkih i 39 obrtničkih radnji). U 2015. godini ovaj podsticaj je ostvarilo 50 pravnih/fizičkih lica, što ukazuje na činjenicu da se u Kakanju budi i da jača poduzetnička svijest koja je u našoj lokalnoj zajednici, obzirom na njen primarni industrijski karakter, još nedovoljno razvijena, ali sa tendencijom napretka. Za realizaciju ove vrste podsticaja utrošeno je 40.893,04 KM (u 2015. godini 24.657,60 KM).

U 2016. godini Općina Kakanj je novčanim iznosom od 81.182,37 KM sufinansirala troškove obuke, stručnog osposobljavanja i usavršavanja radnika u skladu sa potrebama poduzetnika i obrtnika sa područja općine Kakanj. Ovu vrstu podsticaja ostvarilo je **14** poslovnih subjekata koji su, zahvaljujući pomoći Općine, zaposlili **30** nezaposlenih osoba koje su se nalazile na evidenciji Biroa za zapošljavanje.

Tokom 2016. godine okončane su aktivnosti u vezi dodjele općinskih novčanih sredstava u svrhu regresiranja kamata po kreditima odobrenim u komercijalnim bankama u 2016. godini za poduzetnike i obrtnike sa područja općine Kakanj, a isplata će se izvršiti u 2017. godini.

U cilju podsticaja poduzetništva, u 2016. godini izvršeno je umanjenje općinskih taksi na istaknuto firmu za 10-20 %.

Općina Kakanj je i u 2016. godini pružila materijalnu, tehičku i finansijsku podršku Udruženju poslodavaca općine Kakanj "Centar za podršku biznisu" (UPOK), a finansirala je i troškove bruto plaće uposlenika/sekretara Udruženja.

Tokom 2016. godine nastavljena je saradnja sa humanitarnim i nevladinim organizacijama – **World Vision i HELP** kroz projekte iz oblasti poduzetništva, obrta, poljoprivrede i turizma (sufinansiranje projekata u iznosu od 67.596,02 KM). U saradnji sa H.O. World Vision Općina je učestvovala u implementaciji ekonomskih projekta ukupne vrijednost 46.460,02 KM, od čega je finansijsko učešće Općine Kakanj 13.864,00 KM, a H.O. World Vision 32.596,02 KM. Kroz ovaj Projekat dodijeljeni su podsticaji iz oblasti poduzetništva, obrta i poljoprivrede. Također, je realizovan i projekat "Budžet za opremanje jednog školarca" čija je ukupna vrijednost 5.000,00 KM (Općina Kakanj 1.000,00 KM i H.O. World Vision 4.000,00 KM). Shodno potpisom Ugovoru o saradnji na projektu „Izgradnja održive ekonomije kroz razvoj MSP i turističkih potencijala u Bosni i Hercegovini“ sa HELP-om, Općina Kakanj je u 2016. godini na HELP-ov projektni račun uplatila novčana sredstva u iznosu od 16.136,00 KM, za dio neisplaćenih sredstava iz 2015. godine i obaveza Općine shodno potpisanim ugovorima sa 10 korisnika iz oblasti turizma i poduzetništva.

Općina kontinuirano radi i na promociji kakanjskih proizvoda i usluga. Podsticajna sredstva namijenjena za promociju razvoja poduzetništva i obrta u iznosu od 8.259,00 KM utrošena su za kotizaciju i troškove prijevoza za učešće **9** izlagača sa područja općine Kakanj na 6. Sajmu organske i poljoprivredne prizvodnje i etno-narodnog stvaralaštva OPEN'S – ZENICA 2016. Sufinansiran je i projekat „Promocija realnog sektora u ZDK-u“ (snimanje dokumentarnog filma o Kaknju – privrednim mogućnostima u našoj lokalnoj zajednici i njegovo emitiranje na nekoliko regionalnih televizijskih stanica). Općina Kakanj je u saradnji sa NTV „IC“ Kakanj organizovala snimanje **4** polusatne emisije u svrhu promocije poduzetništva i podizanja poduzetničke svijesti kod mlađih sa područja općine Kakanj kroz projekat „Pokreni svoj posao u Kaknju“, objavljivani su razni sadržaji vezani za poduzetništvo i obrt, medijski predstavljeni korisnici podsticaja i dr. Općina Kakanj je finansirala i odlazak nezaposlenih osoba sa područja naše općine na Sajam zapošljavanja u Zenici.

Ukupno realizirani podsticaji u oblasti poduzetništva i obrta, na području općine Kakanj u 2016. godini iznose **401.575,22 KM**, od čega je isplaćeno **319.971,03 KM**, a preostali dio u iznosu od 81.604,19 KM će biti isplaćen u 2017. godini.

U oblasti poljoprivrede, tokom 2016. godine, primljene su 5.163 stranke, što je za 752 više u odnosu na prošlu godinu. Od te brojke, u Registar poljoprivrednih gazdinstava (RPG) i Registar klijenata (RK) upisana su **254** gazdinstva i klijenta (34 više nego prošle godine), dok se 897 posjeta građana odnosilo na ažuriranje podataka u RPG i RK, podsticaje, upute, savjete, preporuke i sl.. Organizirano je **11** teorijskih i dvije praktične edukacije kojima je prisustvovalo oko 800 poljoprivrednih proizvođača. Na osnovu podataka prikupljenih putem Agrometeorološke stanice koja je u vlasništvu Općine, poljoprivrednicima su upućivani savjeti i preporuke u vezi poljoprivredne proizvodnje.

Komisija za pripremu, organizaciju i realizaciju podsticaja u oblasti poljoprivrede za 2016. godinu je u toku protekle godine primila i obradila 891 zahtjev, a odobrila podsticaje za 822 podnosioca zahtjeva Preduslov za ostvarivanje podsticaja je bio upis u RPG i RK, te ažuriranje podataka upisa u RPG i RK za 2016. godinu.

U 2016. godini realizirani su slijedeći podsticaji u oblasti poljoprivrede:

- Podsticaj za proizvođače svježeg kravljeg mlijeka (IV kvartal 2015, I, II i III kvartal 2016.) – za ovaj podsticaj je primljeno, obrađeno i odobreno 290 zahtjeva i utrošeno 40.856,44 KM;
- Pčelarstvo do 19 košnica – za ovaj podsticaj je primljeno, obrađeno i odobreno 32 zahtjeva i utrošeno 2.540 KM;
- Svinjogradstvo od 1 - 4 grla – za ovaj podsticaj je primljeno, obrađeno i odobreno 5 zahtjeva i utrošeno 1.600,00 KM;
- Podsticaj za specifične vrste poljoprivredne proizvodnje – za ovaj podsticaj je primljeno, obrađeno i odobreno 8 zahtjeva i utrošeno 2.900,00 KM;
- Plastenička i staklenička proizvodnja – za ovaj podsticaj je primljeno, obrađeno i odobreno 69 zahtjeva i utrošeno 10.975,00 KM;
- Sufinansiranje osnovne i dopunske obrade poljoprivrednog zemljišta u oblasti ratarstva (proletna i jesenska obrada) – za ovaj podsticaj je primljeno, obrađeno i odobreno 97 zahtjeva i utrošeno 16.664,66 KM;
- Podsticaj za otkupljivača svježeg kravljeg mlijeka sa područja općine Kakanj. Ukupna otkupljena količina svježeg kravljeg mlijeka u 2016. godini od strane otkupljivača sa područja općine Kakanj iznosi 698.367 litara. Za ovaj podsticaj je primljeno, obrađeno i odobreno 2 zahtjeva i utrošeno 5.000,00 KM;

- Podsticaj za organizovan otkup ljekovitog bilja, voća i povrća od individualnih poljoprivrednih proizvođača sa područja općine Kakanj. Ukupna otkupljena količina voća od otkupljivača sa područja općine Kakanj u 2016. godini iznosi 64.770,25 kg. Za ovaj podsticaj je primljen, obrađen i odobren 1 zahtjev i utrošeno 1.295,40 KM;
- Podsticaj za medijsko predstavljanje poljoprivrede i nagrađivanje najuspješnijih poljoprivrednih proizvođača. Za ovaj podsticaj je primljeno, obrađeno i odobreno 5 zahtjeva i utrošeno 5.759,54 KM. Sredstva su utrošena za snimanje emisija u oblasti poljoprivrede, izradu biltena, promociju domaćih proizvoda, izlaganje na sajmovima i sl.;
- Podsticaj skupovima od značaja za sektor poljoprivrede i ruralnog razvoja isplaćen je iznosu od 3.500,00 KM. Sredstva su utrošena za promociju razvoja poljoprivrede općine Kakanj kroz organizaciju i učešće poljoprivrednika na sajmovima i to: „Dani organske proizvodnje Kakanj 2016“, „Dani polja kukuruza Kakanj 2016“ i „Dani meda Kakanj 2016“;
- Podsticaj za proširenje **30** mini farmi u oblasti stočarstva realizovan je dodjelom **43** steone junice, **8** tovnih junadi, 5.000 jednodnevnih piladi, 18 tovnih prasadi, te dodjelom sredstava za nabavku poljoprivredne mehanizacije ili za adaptaciju štalskih objekata. Kroz podsticaj za nabavku i dodjelu steonih krava/junica nabavljeno je i dodjeljeno **10** steonih junica za 10 nezaposlenih korisnika. Ukupna vrijednost sufinansiranog projekata iznosi 245.811,31 KM, od toga učešće Općine Kakanj 132.786,31 KM, Muslim Aid iz Sarajeva 77.925,00 KM i krajnjih korisnika 35.100,00 KM. Za gore navedene podsticaje je primljenio i obrađeno 103 zahtjeva, a podsticaj je odobren za 40 korisnika;
- Podsticaj za sufinansiranje proširenja zasada jagodičastog voća. Za ovaj podsticaj je primljenio i obrađeno 6 zahtjeva, a podsticaj je odobren za 5 korisnika i ukupno je utrošeno 13.632,00 KM, od toga Općina Kakanj je učestvovala sa 12.268,80 KM i krajnji korisnici sa 1.363,20 KM. Ovaj podsticaj je realizovan i kroz nabavku sistema za navodnjavanje “kap po kap” za proizvođače jagodičastog voća. Za nabavku sistema za navodnjavanje “kap po kap” je primljenio i obrađeno 103 zahtjeva i ukupno je utrošeno 40.945,00 KM;
- Podsticaj za podizanje novih zasada jagodičastog voća isplaćen je u iznosu od 6.817,00 KM. Za ovaj podsticaj je primljenio, obrađeno i odobreno 16 zahtjeva;
- Podsticaj za predate količine jagodičastog voća isplaćen je u iznosu od 10.739,32 KM. Ukupna predata količina jagodičastog voća otkupljivačima u 2016. godini iznosi 107.393 kg. Za ovaj podsticaj je primljenio, obrađeno i odobreno 111 zahtjeva;
- Podsticaj za sufinansiranje nabavke nove poljoprivredne mehanizacije isplaćen je u iznosu od 33.873,92 KM. Za ovaj podsticaj je primljen i obrađen 41 zahtjev, a podsticaj je odobren za 37 korisnika;
- Sufinansiranje nabavke mašine za proizvodnju satnih osnova za udruženja sa područja općine Kakanj. Općina Kakanj u saradnji sa World Vision BiH, ured u Zenici je kroz Projekat „Podrška razvoju pčelarstva u srednjoj BiH“ za pčelare sa područja općine Kakanj nabavila mašinu za proizvodnju satnih osnova i mašinu za izradu pogačica uz neophodnu prateću opremu. Ukupna vrijednost projekta je 40.000,00 KM, a učešće Općine Kakanj iznosi 25.000,00 KM, dok je World Vision BiH učestvovao sa 15.000,00 KM;
- Podsticaj za sufinansiranje nabavke zaštitnih sredstava (crvenog ulja) za intenzivne zasade visokostablašica planiran je u iznosu od 8.000,00 KM. Pravo na podsticaj su ostvarila 52 aktivna člana Udruženja voćara „Kakanj“ koji imaju zasnovane intenzivne voćnjake (visokostablašice) na vlastitom imanju ili na zemljištu u zakupu;
- Podsticaj za rad kancelarije Saveza poljoprivrednih udruženja „KAP“ Kakanj, bruto plaća, toplog obroka i regresa za stručno administrativnog zaposlenika (agronoma) za 2016. godinu isplaćen je u iznosu od 17.942,55 KM;
- Podsticaj za refundaciju kamata za podignute kredite u oblasti poljoprivrede. Za ovaj podsticaj je primljenio i obrađeno 2 zahtjeva, podsticaj je odobren za 1 korisnika, a ukupno utrošeno 485,44 KM;
- Sredstva za izradu Strategije razvoja poljoprivrede i neophodna sredstva za štampanje iste (isplaćen je iznos od 1.282,00 KM);
- Za hitne i nepredviđene aktivnosti u oblasti poljoprivrede u 2016. godini je primljenio, obrađeno i odobreno 7 zahtjeva (isplaćen je iznos od 7.039,32 KM).

U 2016. godini realizovani su podsticaji u iznosu od 392.953,36 KM. Uz realizovana novčana sredstva za podsticaje u poljoprivredi utrošena su i novčana sredstva humanitarnih organizacija (Muslim Aid i World Vision BiH) i krajnjih korisnika u iznosu od 129.388,20 KM, tako da ukupno realizovani podsticaci u oblasti poljoprivrede na području općine Kakanj u 2016. godini iznose **522.341,56 KM**.

Cilj nam je transformisati poljoprivredu u zanimanje koje je izbor, a ne splet trenutnih okolnosti, podsticati registraciju djelatnosti, povećati broj registrovanih poljoprivrednih gazdinstava za 30% i za isti procenat povećati broj korisnika podsticaja, te formirati otkupne stanice i organizacioni oblik koji će biti

nosilac razvoja poljoprivrede na području općine Kakanj. Proizvodnju i otkup svježeg kravljeg mlijeka nastojimo podići na 1.000.000 litara na godišnjem nivou. Nastavljamo osnaživati rad udruženja poljoprivrednih proizvođača i Saveza "KAP" Kakanj.

Pozitivan trend rasta poduzetništva u Kakanju je rezultat brojnih koraka koje je poduzela Općina Kakanj s ciljem stvaranja povoljnog ambijenta za investiranje u Kakanju i otvaranja novih radnih mesta, te širokog spektra pogodnosti koje su omogućene investitorima. Uporno, kontinuirano i svesrdno zalaganje Općine Kakanj na unapređenju i poboljšanju ambijenta za poduzetničku djelatnost postalo je prepoznatljivo obilježje ove lokalne zajednice. Onaj ko razmišlja o biznisu, Kakanj će prepoznati kao mjesto u kojem je bolje i pogodnije investirati u odnosu na druge sredine.

III RAZVOJ INFRASTRUKTURE

Kakanj je jedna od rijetkih općina u kojoj opća kriza nije zaustavila razvoj infrastrukture. To je rezultat predanog rada, racionalnog usmjeravanja i trošenja budžetskog novca, dobrog pristupa investitorima, uvođenja stimulativnih mjera za razvoj poduzetništva, kontinuiranog dijaloga sa privrednicima, mjesnim zajednicama, udruženjima građana i dr.

U cestovnu infrastrukturu uloženo je **više od dva miliona maraka**, a ugovorenog još gotovo pola miliona KM. U skladu sa općim opredjeljenjem da se osigura ravnomjeran razvoj gradskih, prigradskih i seoskih područja općine Kakanj, tokom 2016. godine ulaganja u svrhu rekonstrukcije cesta na području Kakanja iznosila su 1.313.396,10 KM. Za ljetno i zimsko održavanje puteva i drugih javnih površina (popravke, održavanje, čišćenje, posipanje abrazivnim materijalom) utrošeno je oko 870.000,00 KM.

U okviru ovih ulaganja izvršena je rekonstrukcija saobraćajnice u ulici Mehmeda Skopljaka, kroz naselje Albanija, čime je riješen dugogodišnji problem neuslovnih i ispučalih kolovoznih traka (uloženo 222.281,49 KM). Za asfaltiranje puta koji vodi do Popržene Gore izdvojeno je 84.518,46 KM, dok je u svrhu nastavka izgradnje puta za Semetiš izdvojeno 30.002,22 KM. Ulaganje u sanaciju cesta na području Plandišta iznosila su 123.611,00 KM. Riješeno je i nekoliko problema koji su zaista bili veliki prioritet. Izvršena je rekonstrukcija puta Alagići-Čizmići (87.933,12 KM), sanacija puta Bećirhodžići-Čobe-Safundžije (40.013,88 KM), sanacija puta prema Crnču (19.979,61 KM), sanacija puta za Čizmiće (19.998,81 KM), rekonstrukcija puta za Sopotnicu (39.993,09 KM), sanacija puta u MZ Papratnica (20.001,97 KM), sanacija puta u MZ Varda (39.668,00 KM), sanacija puta za Šimiće, rekonstrukcija puta od ul. O. Maslića prema greblju Vrtle, ... Na području Brnjica uloženo je 39.679,79 KM u sanaciju puta Stari dom-okretnica Brnjic (preostali zidovi), u rekonstrukciju puta za Starposle uloženo je 23.376,94 KM, u rekonstrukciju puta Kondžilo-Dom uloženo je 139.845,67 KM (preostalo još asfaltiranje)...

U saradnji sa Tvornicom cementa Kakanj i Hidrogradnjom realizirani su radovi na sanaciji industrijske ceste u Malješu u vrijednosti od 35.000,00 KM.

U svrhu podrške razvoju poduzetništva, izgrađena je i asfaltirana glavna saobraćajnica kroz Poduzetničku zonu "Vrtlište" ukupne vrijednosti od 224.475,80 KM.

Tokom 2016. godine nastavljeni su i radovi na sanaciji saobraćajnice u Rudarskoj ulici. Za sanaciju dionice od Gradskog spomen-parka do objekta "Ekton" izdvojeno je 26.970,00 KM. U okviru radova na unapređenju cestovne infrastrukture izgrađena je i pristupna saobraćajnica u Povezicama. Nakon realizacije dugotrajnih procedura javnih nabavki, u 2016. godini ugovoreni su i radovi na sanaciji 15 saobraćajnica ukupne vrijednosti od 438.495,93 KM. Radovi će biti realizirani kada to dozvole vremenske prilike, a radi se o slijedećim projektima: nastavak rekonstrukcije ceste Zgošća-Tršće (74.481,82 KM), nastavak rekonstrukcije saobraćajnice u Rudarskoj ulici (82.917,9 KM), sanacija puta sa izgradnjom obaloutvrde u MZ Haljinići (35.099 KM), rekonstrukcija saobraćajnice iza bivšeg Castella prema pijaci i izgradnja trotoara u ulici ZPO (33.146,88 KM), rekonstrukcija ceste od naselja Brus prema Jukama (24.345,15 KM), nastavak sanacije puta Stari dom-okretnica Brnjic (24.842,00 KM), sanacija puta za Krševac (18.175,20 KM), nastavak sanacije puta za Turaliće, sanacija puta za Kubure (19.000,00 KM), izgradnja pristupnog puta i proširenje mosta u Bilješevu (29.999,77 KM), asfaltiranje puteva u Ratnju, Rošćevini, Pavlovićima, puta Tršće-Makljan, puta u Gornjem Banjevcu...

Realizirane su i aktivnosti na izradi idejnog projekta zaobilazne saobraćajnice od BP "Hifa" do mosta "Zgošća". U završnoj fazi je izrada glavnog projekta saobraćajnice od ulice 7. muslimanske viteške oslobođilačke brigade do BP "Hifa", te izrada glavnog projekta rekonstrukcije glavne gradske saobraćajnice.

Za održavanje javnih saobraćajnih površina (sanacija kolovoznih i pješačkih površina u gradskom području, izrada horizontalne signalizacije u gradu, izrada i postavljanje vertikalne saobraćajne signalizacije u gradu i mjesnim zajednicama, postavljanje i skidanje montažno-demontažnih odnosno ležećih prepreka usporivača brzine na saobraćajnicama u gradu i mjesnim zajednicama koje iskažu interes zbog sigurnosti građana, rekonstrukcija stepeništa, ograda, trotoara i dr.) utrošeno je 142.700,00 KM.

Tokom 2016. godine na području Kaknja realizirani su, odnosno ugovoreni radovi, na izgradnji vodovoda i kanalizacionih mreža u vrijednosti od **275.321,00 KM** (vodovod Varalići – 90.499,39 KM, vodovod "Lučani" – 77.793,46 KM, kanalizacija Brnj – 20.359,04 KM, vodovod "Koprivnica-Banjevac" – 15.955,62 KM). Ugovoreni su i radovi na izgradnji kanalizacionog sistema u MZ Haljinići (37.398,9 KM) i radovi na izgradnji kanalizacionog sistema i uređaja za prečišćavanje otpadnih voda u naselju Kučići (33.314,72 KM).

U 2016. godini u gradskoj jezgri Kaknja izgrađen je **Park prijateljstva** koji obuhvata sportski poligon i dječije igralište. Park je izgrađen zahvaljujući novčanoj donaciji bratske Općine Aliağa u iznosu od 100.000,00 KM. U drugoj polovini 2016. godine započeli su radovi na izgradnji igrališta u blizini OŠ "Mula Mustafa Bašeskić" u MZ Kakanj II. Igralište je izgrađeno zahvaljujući novčanoj donaciji Tvornice cementa Kakanj u vrijednosti od 55.000,00 KM.

Planinarski dom "**Boćica**" sa okolnim ambijentom postao je reprezentativna lokacija na kojoj se svakodnevno odvijaju važni događaji za kakanjsku lokalnu zajednicu, a sve češće sudionici ovih događaja su ljudi koji u Kakanj i BiH dolaze iz drugih zemalja. Sa željom da ovakav trend dobije dodatni zamajac, Općina Kakanj nastoji da bude podrška Planinarskom društvu "Bobovac", te da pomogne u nastojanjima da se infrastruktura Planinarskog doma "Boćica" kontinuirano unapređuje. U skladu sa takvim opredjeljenjem, Općina Kakanj je realizirala radove na asfaltiranju dva sportska poligona u dvorištu Planinarskog doma "Boćica", jednog za odbojku i rukomet, a drugog za basket. Vrijednost radova je 18.178,69 KM.

Krajem 2016. godine započeta je i realizaciji projekta "**Oaza**" u okviru kojeg se ilegalna deponija smeća i zapuštena zona pomoćnog stadiona FK "Rudar" pretvara u funkcionalnu i edukativnu urbanu zonu (igralište i drugi sadržaji). Cilj projekta koji se finansira sredstvima "Canada Fund for Local Initiatives" i Općine Kakanj je podići svijest o potrebi zaštite okoliša i njegovoj ulozi u poboljšanju kvaliteta života u zagađenoj urbanoj sredini. Projekat implementira Udruženje za pomoć i razvoj "Hajde" u partnerstvu sa Udruženjem "Savjet održive gradnje". Izgrađen je edukativno-rekreativno-zabavni park za djecu i omladinu koji ima mnoštvo sadržaja koji će podizati svijest posjetilaca o važnosti zaštite životne sredine. Ovaj projekat je ocijenjen važnim i za FK "Rudar" Kakanj koji će dobiti pomoći teren pogodan za treninge prvog tima, ali i za takmičarske nastupe mlađih selekcija koje više neće biti prinuđene tražiti terene za nastupe u drugim općinama.

U 2016. godini u funkciju je pušten sistem **video nadzora** na području Kaknja. Video nadzorom su pokrivene lokacije na kojima se nalaze škole, saobraćajnice, vjerski objekti i brojni drugi lokaliteti. Ukupna vrijednost projekta kojeg je finansirala Općina Kakanj iznosi 238.947,23 KM.

Troškovi izrade prostorno-planske dokumentacije općine Kakanj iznosili su 19.000,00 KM.

Za održavanje, rekonstrukciju i modernizaciju javne rasvjete u gradu i mjesnim zajednicama utrošeno je 144.000,00 KM.

Za dekoraciju općine (postavljanje transparenata i zastava za državne, međunarodne i vjerske praznike i ukrašavanje područja općine, te nabavka novih transparenata i zastava) utrošeno je 10.736,55 KM, za održavanje urbane opreme u gradu i nabavku nove 33.614,13 KM, za održavanje postojećih fontana 9.999,97 KM, za održavanje spomen obilježja 4.998,30 KM, za rekonstrukciju staza i spomenika u gradskom parku 41.589,14 KM, za održavanje mreže za odvodnju atmosferskih voda 57.345,00 KM, za čišćenje i održavanje vodotoka rijeke Zgošće 11.999,54 KM, za kafilerijske usluge 25.001,38 KM, za deratizaciju 11.200,00 KM...

Bez obzira na sve probleme u široj društvenoj zajednici, efekte globalne ekonomске i finansijske krize koji su se u dobroj mjeri reflektovali i na našu općinu, te nezadovoljavajući odnos viših nivoa vlasti prema općinama, u Općini Kakanj je realizovano niz infrastrukturnih i drugih projekata. Izgradnja novih i sanacija postojećih vitalnih objekata u Kaknju je izraz opredjeljenja kakanjske lokalne zajednice da se na ovaj, jedini pravi način, gradi država Bosna i Hercegovina.

I u narednom periodu nastavljamo sa realizacijom infrastrukturnih i drugih projekata (zamjena postojeće rasvjete LED rasvjetom radi smanjenja troškova koji su vezani za javnu rasvjetu, povećanje pokrivenosti općinskog područja sa vodovodnom i kanalizacionom infrastrukturom, nastavak rekonstrukcije vrelovoda, rekonstrukcija i modernizacija sportskih objekata, izgradnja biciklističke staze i šetnice obalom rijeke Bosne na relaciji Most mladih na ulazu u grad – Stadion Mladost Dobojski, stavljanje u funkciju lokaliteta „Stara jama“, čišćenje korita i uređenje obala rijeka, uređenje korita rijeke Zgošće niz Ulicu branilaca do ušća u rijeku Bosnu...).

IV ZAŠTITA ŽIVOTNE SREDINE

Općina Kakanj je odlučna u namjeri da kontinuiranim mjerama i akcijama tokom godine, prostor općine učini još ljepšim i ekološki čišćim, te osigura visok nivo komunalne higijene na području cijele općine. U 2016. godini uloženo je više od **2 miliona KM** u ekološke projekte, opremu za reciklažno dvorište, podzemne kontejnere...

Zajedno sa JP "Vodokom" Kakanj svakodnevno se realiziraju aktivnosti na proširenju mreže sistema prikupljanja i odvoza otpada na teritoriji općine Kakanj. Tokom 2016. godine Općina Kakanj je vlastitim ljudskim i finansijskim resursima osmisnila, isprojektovala, nabavila i na području užeg gradskog jezgra ugradila **25 podzemnih kontejnera** na 12 lokacija. Ovaj novi koncept odlaganja komunalnog otpada je pokazao puno pozitivnih efekata. Osim toga, izvršena je nabavka i ugradnja grajfera na postojeće vozilo za odvoz komunalnog otpada čime su osigurani uslovi za pražnjenje podzemnih kontejnera. Realizacija ovog projekta koštala je 110.664,38 KM.

Tokom 2016. godine izvršeno je novo proširenje obima organiziranog odvoza otpada na području Kakanja, tako da je sada pokrivenost općine odvozom **90%**. Planirano je da se narednih godina još povećava opseg odvoza otpada i da u konačnici obuhvati i preostalih 7 kakanjskih mjesnih zajednica. Kako bi svi građani plaćali istu cijenu odvoza otpada bez obzira koliko su udaljeni od centra grada, Općina je izdvojila 56.300,00 KM u svrhu sufinansiranja odvoza otpada iz udaljenih mjesnih zajednica.

Općina Kakanj je finansirala i nabavku opreme za uspostavu reciklažnog dvorišta u Kakanju. Za nabavku prese-balirke za papir i PET ambalažu sa performatorom, te nabavku viljuškara, platformske vase, rešetkaste korpe, kontejnera i druge opreme izdvojeno je 100.000,00 KM.

U okviru nastojanja da se unaprijedi sistem daljinskog grijanja u Kakanju (grijanje topлом vodom sa Termoelektrane Kakanj), Općina je tokom 2016. godine finansirala radove na **rekonstrukciji vrelovoda** na potezu od MZ Kakanj II do zgrade Re-Al Company, te jednim dijelom i na području MZ Doboј. Radi se o projektu ukupne vrijednosti 543.748,00 KM.

U 2016. godini su nastavljene aktivnosti čiji je cilj postizanje standarda energetske efikasnosti. Jedna od aktivnosti je i povećanje energetske efikasnosti vjerskih objekata, a radi se o objektu Medžlisa Islamske zajednice Kakanj i Samostana Kraljeva Sutjeska. Za ovu aktivnost izdvojeno je 145.000,00 KM. Osim toga, u svrhu povećanja energetske efikasnosti mjesnog doma u Bjelavićima, kroz utopljavanje vanjskih zidova termoizolacionom fasadom i ugradnju izolacionog poda u samom objektu, izdvojeno je 12.564,00 KM.

Nakon prošlogodišnje organizacije događaja koji je zadobio simpatije kakanjske javnosti, i ove godine u Kakanju je organiziran "Energetski EXPO". Cilj ove manifestacije je podizanje svijesti građana, a posebno omladine i djece, o energetskoj efikasnosti i odgovornom korištenju energije, ali i upoznavanje sa savremenim tehnologijama i recentnim trendovima iz ove oblasti. Na promotivnim štandovima predstavili su se inovatori, kompanije, posredničke institucije i organizacije koje proizvode i prometuju proizvode i usluge iz oblasti energetske efikasnosti. Na ovom događaju građani su imali priliku da se upoznaju sa načinima uštade energije u domaćinstvu, a mogli su vidjeti i najmodernije tehnologije iz oblasti energetske efikasnosti: solarnu klupu, hibridna vozila, električni motor i električni bicikl, solarne panele i kolektore, pametnu rasvjetu, eko-kuću, led rasvjetu, inovatorske projekte-HHO generator i udarnu pumpu. Građanima je predstavljena i prva kakanjska solarna klupa koja je postavljena u parku Doma kulture. Nabavku solarne klupe koja, između ostalog, ima bežični punjač mobitela i dvije USB utičnice za mobitel ili tablet, finansirala je Općina Kakanj. Organizator ovog događaja je bilo Udruženje „Centar za ekologiju i održivi razvoj“ – C.E.K.O.R. Kakanj, pokrovitelj je bila Općina Kakanj, a partner u projektu Javna ustanova Kulturno-sportski centar Kakanj.

U saradnji Općine Kakanj, NTV IC Kakanj, osnovnih škola sa područja općine Kakanj i nekoliko kakanjskih privrednih subjekata, u Kakanju je tokom 2016. godine realiziran ekološki projekat čiji je cilj edukacija stanovništva o potrebi zaštite životne sredine i podizanje nivoa ekološke svijesti kod svih naraštaja građana Kakanja, a posebno kod djece i mladih. Naime, u programu NTV IC Kakanj realiziran je ekološki kviz "Eko plus" u kojem su se takmičili učenici kakanjskih osnovnih škola. Kviz je sadržavao pitalice i igre kroz koje se provjerava znanje takmičara iz oblasti zaštite okoliša, a svi zajedno, publika u studiju i gledatelji ispred malih ekrana, su učili o mjerama zaštite okoline, o reciklaži otpada, o energetskoj efikasnosti... Za pomenuto aktivnost Općina Kakanj je utrošila 13.000,00 KM.

Općina Kakanj je pionir i lider u uspostavi vlastitog i od privrede nezavisnog mjerjenja kvaliteta zraka. Općina Kakanj pomoću vlastite mobilne monitoring stanice kontinuirano prati kvalitet zraka u Kakanju kako bi se, u slučaju potrebe, poduzele mjere na zaštitu zdravlja stanovništva. Praksa mjerjenja kvaliteta zraka vlastitom mobilnom stanicom u Kakanju se primjenjuje već nekoliko godina. Ukoliko se putem mobilne monitoring stanice zabilježi prekomjerna zagađenost zraka, uz istovremeno uspostavljenu stabilnu vremensku situaciju koja je karakteristična po sporom pomjeranju atmosferskog pritiska, slabom vjetru i pojačanoj

temperaturnoj inverziji koja bi se mogla zadržati u narednih 48 sati, Operativni štab Općine Kakanj za primjenu Plana interventnih mjera u slučajevima prekomjerne zagađenosti zraka proglašava jednu od epizoda, te poduzima mjere prema zagadivačima i daje upute stanovništvu. Podaci o kvaliteti zraka se objavljaju na službenoj web-stranici Općine Kakanj www.kakanj.gov.ba, tako da su podaci svakodnevno dostupni građanima, novinarima, eko-udruženjima i svim drugim zainteresiranim subjektima. Tokom perioda karakterističnog po povećanju zagađujućih materija u zraku, Općina Kakanj obezbjeđuje besplatan prijevoz vikendom za građane do kakanjske vazdušne banje Ponijeri.

Za poslove koji obuhvataju ručno i mehaničko čišćenje, pranje, uklanjanje nečistoća sa gradskih i prigradskih javnih površina i saobraćajnica Općina Kakanj je u 2016. godini izdvojila iznos od 315.998,00 KM, a za unapređenje i održavanje javnih zelenih površina izdvojeno je 104.537,00 KM.

U 2016. godini održane su dvije volonterske akcije – proljetno čišćenje u aprilu pod nazivom „Kaknju s ljubavlju“ i oktobarska akcija pod nazivom „Milion sadnica za jedan dan“ (utrošeno 5.808,37 KM).

Na osnovu objavljenog Javnog poziva za sufinsiranje projekata za zaštitu okoline 8 NVO, škola i dr. je dobilo sredstva za aplicirani projekat u oblasti zaštite okoliša (ukupno utrošeno 13.500,00 KM).

Namjenskim sredstvima za zaštitu okoline finansirano je čišćenje nelegalnih deponija na području općine Kakanj, sufinsiranje odvoza kućnog otpada iz romskog naselja Varda, čišćenje pomoćnog stadiona FK Rudar Kakanj, čišćenje korita rijeke Ribnice, čišćenje ski staze Ponijeri, pranje i metenje robne pijace, nabavka kanalizacionih cijevi za MZ Bijele Vode, podružnica Kučići, otplata kredita (rata) za vodosnabdijevanje stanovnika općine Kakanj, uređenje i ozelenjavanje javnih površina gradskog stadiona Rudar Kakanj, uređenje izletišta Bočica – izgradnja pratećih sadržaja, podrška projektu „OAZA – podrška održivosti i zaštiti okoliša“ – park Varda, podrška u radu UG SPD Bistro Kakanj i UG Cekor Kakanj i dr.

Povodom 22. septembra – Evropskog dana bez automobila u Kaknju je organizirana biciklijada, čime smo poslali poruku o potrebi smanjenja korištenja automobila obzirom na činjenicu da produkti sagorijevanja motora sa unutrašnjim sagorijevanjem sadrže široku lepezu otrovnih gasova.

Ukupna ulaganja Općine Kakanj u segment zaštite okoliša u 2016. godini iznose **2.268.362,76 KM**.

V KULTURA, SPORT, OBRAZOVANJE, MLADI I NVO

U oblasti kulture koja obuhvata sve oblike stvaralaštva, prenošenja i očuvanja kulturnih vrijednosti, Općina je većinu svojih aktivnosti usmjerila na stvaranje mogućnosti za razvoj kulturnih djelatnosti i obezbjeđenje uslova za stvaranje, prenošenje i dostupnost kulturnih vrijednosti građanima općine Kakanj. Nastavljeno je dalje jačanje Gradske biblioteke kao savremenog, kulturnog, informacijskog i multimedijalnog centra općine, te jačanje kapaciteta JU „Kulturno-sportski centar“ Kakanj (JU KSC) kroz sveobuhvatnu ponudu kulturnih proizvoda građanima Kaknja.

U sastavu JU KSC djeluju Sportska dvorana, kuglana, dvorana na posljednjoj etaži objekta „ReAl“, kulturni školski Caffe bar „Evropa“ koji je ove godine rekonstruisan, Dom kulture sa velikom (kino) salom, Muzej Kaknja, Gradska galerija likovne umjetnosti, Omladinski centar i ski-lift Ponijeri. Ustanova se finansira općinskim budžetskim sredstvima, ali i sama ostvaruje određenu dobit iz koje je u 2016. godinu kupila veliku binu, vitrine za Muzej Kaknja, postavila ogradu ispred Doma kulture, te poduzela niz drugih intervencija i investicionih zahvata.

Tokom 2016. godine u kakanjskom kinu prikazano je 12 filmova (11 stranih i jedan iz domaće produkcije), te je zabilježeno 2.950 gledatelja. U Domu kulture Kakanj odigrane su 32 predstave od kojih su 4 iz vlastite produkcije JU KSC. Predstave je posjetilo oko 6.800 građana.

Kakanj je i ove godine bio domaćin VIVA film festivala religijskog, ekološkog, turističkog i omladinskog dokumentarnog filma i domaćin Internacionalnog edukativnog teatra – IFET. Dokumentarni film „Stop diskriminaciji“ kojeg su snimali polaznici Dramskog studija koji djeluje pri JU KSC osvojio je nagradu na VIVA film festivalu. Nagrada – Cannon kamera je tako postala vlasništvo JU KSC Kakanj.

U Domu kulture organizirana su i 22 događaja u kojima se JU KSC pojavljuje kao domaćin, tehnička podrška, partner, suorganizator ili organizator.

Ovogodišnja manifestacija „Kakanjski dani“ koju su organizirali Općina Kakanj i JU KSC bila je jedna od najbolje organiziranih manifestacija ove vrste u Kaknju promatraljući poslijeratne godine. Tokom 7 dana trajanja ove manifestacije zabilježeno je oko 90.000 posjetilaca. Nastupili su: Amar Jašarspahić Gile, Denial Ahmetović, Lapsus bend (Emir Aličković), Ibro Bublin, Fatmir Sulejmani, Rudarska glazba, „AlterVal“, duvački orkestri, mažuretkinje...

JU KSC, Udruženje mladih „AlterVal“ i Video produkcija „Frame production“ organizirali su „Kraljev fest“ na kojem su nastupili Irina Kapetanović, „Fallout“, „Strava škola“, „Indigo“, „AlterVal“ i Vesna Tomičić, a upriličene su i likovna kolonija, izložba, pozorišna predstava „Bosanska kraljica“ i čas historije na Bobovcu.

U saradnji JU KSC, muzičkih bendova, Gradskog hora, Hora "Bostan", Crkvenog hora, Dramskog studija Kakanj, Škole glume Kakanj, Rudarske limene glazbe, Tamburaškog orkestra i drugih subjekata, u Kaknju je organiziran spektakularan događaj – koncert domaće filmske muzike "Bilo jednom na Balkanu".

JU KSC je, kao i prethodnih godina, i u 2016. godini organizirala takmičenje za mlade pod nazivom "Talent Show". Ovo takmičenje predstavlja sjajnu priliku za mlade talentirane građane Kaknja da pokažu svoj talent, da dobiju prvi aplauz i da tako ohrabreni krenu na veća takmičenja u BiH i regionu.

Muzej Kaknja tokom 2016. godine organizirao je 18 edukativnih sadržaja, zabilježio 2.772 posjete građana i otvorio svoju suvenirnicu. U Gradskoj galeriji likovne umjetnosti upriličeno je 5 izložbi slika. JU KSC je organizirala i 18 kurseva koje je pohađalo 129 polaznika.

U Sportskoj dvorani Kakanj organizirano je ukupno 98 različitih sadržaja, od kojih se 70 odnosi na utakmice organizirane u okviru prvenstava, kup takmičenja i prijateljske susrete. U Sportskoj dvorani Kakanj, promatrajući aktivnosti upriličene na parketu ovog objekta, odrađeno je 2.133,5 sati, u sali na posljednjoj etaži objekta "ReAl" 462 sata, u kuglani 518,5 sati i trim kabinetu 270 sati, dok je ski-lift Ponijeri radio 46 sati (bilo bi i više da je bilo snijega). Posebno je rastao broj odraćenih sati kuglanja, sa 307 koliko je iznosio prošle godine, na 518,5 koliko iznosi u 2016. godini. To je rezultat aktivnosti JU KSC na promociji kuglanja, aktivnosti na organizaciji škole kuglanja, te prakse organiziranja brojnih posjeta kakanjskoj kuglani. Tokom 2016. godine u kakanjskoj kuglani je organizirano 14 događaja koji se odnose na prvenstva i turnire.

U dvoranskim kapacitetima kojima upravlja JU KSC Kakanj organizirani su i brojni drugi sadržaji u kojima se Ustanova pojavljuje kao organizator ili suorganizator: turniri, Biznis liga, humanitarne utakmice, takmičenja učenika osnovnih i srednjih škola...

U okviru Kulturno-sportske manifestacije "Kakanjski dani" organizirano je 11 sportskih aktivnosti: turnir u odbojci, rukometu i basketu, paintball turnir, adrenalinski park, rapid nogomet, turnir u stonom tenisu, biciklistička utrka, ulična trka, prezentacija borilačkih sportova i šahovski turnir. Na ovim sportskim događajima zabilježena su čak 533 učesnika.

I u narednom periodu mobilizirat ćemo sadržaje kulturnih ustanova i organizacija i ponuditi ih ne samo u užoj gradskoj jezgri nego i u selima. Nastavljamo podržavati kulturno stvaralaštvo na području općine i kulturno-umjetnička društva. Posebnu pažnju ćemo posvetiti stimuliranju i afirmisanju mlađih i perspektivnih umjetnika i kulturnih radnika. Planirane su i aktivnosti u vezi rekonstrukcije administrativne zgrade JU KSC Kakanj, te uređivanja Male sale u administrativnoj zgradi JU KSC koja bi imala multifunkcionalni karakter, a odgovorila bi sve većim zahtjevima u smislu različitih djelatnosti obrazovanja, kurseva, radionica, kamernih predstava, filmskih projekcija, multimedijalnih seminara...

Ističemo da Općina Kakanj pruža finansijsku podršku i radu ustanova kulture BiH putem Ministarstva civilnih poslova BiH.

U Budžetu Općine Kakanj za 2016. godinu transfer za sport planiran je u iznosu od 500.000,00 KM, a realizacija iznosi 98,28 % ili 491.391,00 KM što je za 140.000,00 KM više izdvajanja nego prošle godine. Raspodjela sredstava sportskim klubovima izvršena je na osnovu dostavljenih programa rada sportskih klubova po javnom pozivu kojeg je objavila Općina. Ovoj cifri treba dodati i 200.000,00 KM koliko koštaju troškovi korištenja dvoranskih kapaciteta. Podsjećamo, klubovi su oslobođeni plaćanja ovih troškova, a uslove za treniranje obezbjeđuje Općina Kakanj budžetskim finansiranjem troškova rada JU KSC koja upravlja dvoranskim sportskim kapacitetima. Osim toga, početkom prošle godine Općina Kakanj je isplatila 16.000,00 KM za troškove asfaltiranja saobraćajnice na stadionu na kojem nastupa premijerligaš FK "Mladost". Ako se ovoj cifri doda i cifra od 9.330,00 KM koja je izdvojena za sportske sadržaje upriličene u okviru Kulturno-sportske manifestacije "Kakanjski dani", kao i troškovi asfaltiranja dva sportska poligona na Bočici (18.178,00 KM), te 100.000,00 KM novčane donacije bratske Općine Aliağa za izgradnju sportskog poligona sa dječijim igralištem u gradskoj jezgri Kakanja, dobije se cifra od **834.899,00 KM** koliko je uloženo u kakanjski sport u 2016. godini. Ilustracije radi, izdvajanje za sport u 2012. godini je iznosilo 263.000,00 KM. Sportski klubovi i općenito takmičari iz Kakanja su ostvarili vrhunske rezultate u 2016. godini.

U 2016. godini Kakanj je bio dio velikog događaja – Trke mira, najveće svjetske štafetne trke sa bakljom mira. Baklju mira koja je, u okviru evropskog dijela "Trke mira", krenula 24. februara 2016. godine iz Portugala, a koja je prošla kroz 47 evropskih zemalja kako bi 8. oktobra 2016. godine stigla u Rim, u Kakanj su regionalom iz pravca Zenice donijeli članovi međunarodnog tima trkača. Na ulazu u gradsku jezgru baklju su dočekali učenici Osnovne škole "Mula Mustafa Bašeskija" Kakanj koji su, zajedno sa međunarodnim timom trkača, baklju pronijeli kroz gradsku jezgru Kakanja do sale svoje škole gdje je upriličen svečani doček.

Nakon što je 2015. godine ugostio mlađu reprezentaciju Bosne i Hercegovine koja je na stadionu FK "Rudar" igrala prijateljsku utakmicu sa Turskom, te nakon što je bio domaćin priprema rukometnih reprezentativnih juniora, Kakanj je ove godine bio domaćin još jednog velikog događaja – testnog okupljanja, a potom i priprema zlatnih košarkaških kadeta BiH pred Svjetsko prvenstvo u košarcu.

U 2016. godini Fudbalski klub Mladost Doboј-Kakanj bio je domaćin utakmice U16 reprezentacija Bosne i Hercegovine i Litvanije (UEFA razvojni turnir). Općina Kakanj i FK Mladost su bili domaćini prijateljskog susreta ženske fudbalske reprezentacije BiH i Crne Gore koji se odigrao u okviru UEFA razvojnog turnira u ženskom nogometu U-19 selekcija.

Općina Kakanj je finansijski podržala i organizaciju Međunarodnog atletskog mitinga u Zenici na kojem je nastupio naš sugrađanin Amel Tuka. Općina Kakanj je finansijski podržala i organizaciju Malih olimpijskih igara za učenike u košarci, odbojci i atletici (učestvovale sve osnovne i srednje škole), odlaske nadarenih sportista na međunarodna takmičenja, izdvojila je 1.000,00 KM u svrhu posjete Muzeju Kakanja sportskih ekipa koje gostuju u našem gradu...

Kakanj je u 2016. godini imao 4 premijerligaša. Po izboru Olimpijskog komiteta BiH Kakanjac Amel Tuka proglašen je sportistom godine za 2016. godinu. U Kakanju je organizovana i sportska manifestacija „Izbor sportiste Općine Kakanj za 2015. godinu“.

Nastavljamo raditi na izgradnji sportske infrastrukture kroz sanaciju i adaptaciju postojećih i izgradnju novih sportskih objekata, dječijih igrališta, terena za male sportove, sportske dvorane, te gradskog stadiona (proširenje Sportske dvorane Kakanj, završetak radova na uređenju glavnog stadiona FK Rudar Kakanj i izgradnja pomoćnog terena i dr.). Cilj nam je povećati ponudu sportskih sadržaja građanima Kakanja (organiziranje liga takmičenja mlađih – osnovaca, srednjoškolaca, sportske igre u mjesnim zajednicama i sl.), te dovesti publiku na sportske tribine. Spremni smo pružiti podršku svim zainteresiranim osobama sa područja općine Kakanj u vezi osposobljavanja za obavljanje poslova sportskih delegata, sudija i kontrolora.

Općina Kakanj svake godine dodjeljuje stipendije i studentima i učenicima srednjih škola, što je rijetkost, jer stipendije za studente obično dodjeljuju kantonalna ministarstva koja su nadležna za oblast obrazovanja, dok su rijetke ili gotovo da nema lokalnih zajednica koje stipendiraju učenike srednjih škola. Kakanjski studenti koji ostvaruju izvanredne rezultate pravo na stipendiju ostvaruju automatski bez bodovanja. Također, automatski bez bodovanja pravo na stipendiju ostvaruju i učenici srednjih škola – djeca sa posebnim potrebama, djeca poginulih rudara i djeca iz populacije Roma. Učenik srednje škole koji poneše titulu učenika generacije ostvaruje, automatski bez bodovanja, pravo na stipendiju za prvu godinu studija. Tokom 2016. godine Općina Kakanj je izvršila sve obaveze u pogledu isplate općinskih stipendija za 166 učenika srednjih škola (visina stipendije po učeniku 300,00 KM) i 150 studenata (visina stipendije po studentu 800,00 KM). Provedena je i procedura vezana za konkurs za studentske stipendije koji raspisuje Kantonalno Ministarstvo obrazovanja (96 studenata sa područja naše općine ostvarilo je pravo na stipendiju u iznosu od po 453,00 KM, što ukupno iznosi 43.488,00 KM). U narednom periodu Općina će sufinansirati troškove doktorskog studija za studente sa postignutim najboljim uspjehom.

Općina Kakanj finansira i prijevoz učenika i studenata u iznosu od 100 % ili 50 % u ovisnosti od socijalne karte porodice kojoj učenik pripada. U školskoj 2016/2017. pravo na ovu povlasticu ostvaruje 270 učenika i 34 studenata. Općina Kakanj finansira i prijevoz za 11 korisnika Centra za djecu i odrasle osobe sa posebnim potrebama Dobrinje (Visoko) sa povlasticom od 100 %, kao i troškove prijevoza sedmero učenika sa posebnim potrebama koji pohađaju OŠ "Hamdija Kreševljaković" Kakanj i Dnevni centar u Zenici, a koji ne mogu koristiti javni prijevoz.

Općina finansira i organiziranje općinskih takmičenja osnovaca i srednjoškolaca, te obezbjeđuje novčane nagrade za najbolje učenike sa takmičenja, te za učenike generacije osnovnih i srednjih škola. Za učenike generacije osnovnih i srednjih škola isplaćuje se nagrada u novčanom iznosu od 200,00 KM.

U 2016. godini provedena je procedura prijema 38 volontera (VSS) i izbora poslodavaca za volonterski rad, koji se finansira iz Budžeta Općine Kakanj. Volonteri će obavljati poslove stručnog osposobljavanja za samostalan rad u okviru svoje struke, bez zasnivanja radnog odnosa. Volonterski rad traje najduže godinu dana.

Poduzimamo brojne aktivnosti u cilju poboljšanja uslova za rad osnovnih i srednjih škola. Općina je partner u realizaciji projekta rekonstrukcije zgrade Osnovne škole "Hamdija Kreševljaković" Kakanj koja je nakon radova poprimila potpuno novi, ljepši i moderniji izgled i zasijala nesvakidašnjim sjajem.

Općina je poduzela i aktivnosti u vezi izgradnje odgojno obrazovne ustanove – Internat za smještaj i boravak najmanje 48 učenika osnovnih i srednjih škola i studenata sa područja općine Kakanj (ul. Salih Jašarspahića).

U narednom periodu, zajedno sa mladima nastavljamo organizirati sportska takmičenja i koncerte za mlade, te sponzorisati njihove aktivnosti (izložbe, revije, omladinska poduzetništva i sl.). Nastavlja se i saradnja sa udruženjima mlađih, Vijećem mlađih i Komisijom za mlade.

Općina redovno finansira rad Javne ustanove za predškolski odgoj i obrazovanje "Mladost" Kakanj, a finansirala je i 5 projekata predškolskih ustanova kojima Općina nije osnivač i za tu svrhu je do sada plaćeno 20.000,00 KM.

U saradnji sa JU Gradska biblioteka Kakanj realizovane su sve aktivnosti predviđene u Akcionom planu Strategije kulturne politike ZDK za period 2014.- 2020. godina: afirmacija kulturnih aktivnosti nacionalnih manjina (35 radionica sa Romima, završena knjiga „Slovenci u Kaknju“), afirmacija kulturnih aktivnosti marginalnih grupa-invalidne osobe (tri programa).

Zajedno sa UNICEF-om Općina Kakanj finansira projekat "Povećajmo mogućnosti djeci u Kaknju za rano učenje". Cilj projekta kojeg realizira Javna ustanova za predškolski odgoj i obrazovanje "Mladost" Kakanj je afirmacija predškolskog odgoja i obrazovanja u našoj lokalnoj zajednici, s akcentom na djecu slabijeg imovnog stanja (djeca iz porodica Roma i porodica korisnika socijalne pomoći).

Tokom 2016. godine, svi značajni datumi iz prošlosti Kaknja i BiH su dostojanstveno obilježeni. U svrhu obilježavanja značajnih datuma i manifestacija (1.mart - "Dan nezavisnosti BiH", „Festival znanja“, „Dan državnosti BiH“, „Dan Općine Kakanj“, Dani kulture u Kaknju, značajni datumi i manifestacije iz perioda odbrambeno-oslobodilačkog rata 1992.-1995. godina i NOR-a) Općina Kakanj je izdvojila 31.174,16 KM. Općina je podržala odlazak djece na Kid's festival u Sarajevo, organiziran je doček Nove 2016. godine i dr..

U cilju unaprjeđenja partnerskih odnosa između lokalne vlasti i civilnog društva iz Budžeta Općine Kakanj za 2016. godinu finansirano je 12 projekata nevladinih organizacija i udruženja građana iz različitih oblasti (kulturna, zdravstvo i socijalna zaštita, obrazovanje, građansko društvo...). Ukupno utrošena sredstva za navedene projekte iznose 30.000,00 KM. Finansijska podrška Općine Kakanj u radu udruženja nacionalnih manjina iznosila je 10.000,00 KM. Transfer za omladinske projekte realizovan je u iznosu od 10.000,00 KM (podržano je ukupno 7 projekata). Takođe, vjerskim zajednicama su obezbijeđena sredstva u općinskom budžetu (15.000,00 KM), te pružen svaki drugi vid potrebne podrške.

VI BORAČKO – INVALIDSKA, ZDRAVSTVENA I SOCIJALNA ZAŠTITA

Iako nadležnost za pružanje pomoći boračkim populacijama imaju ministarstva za boračka pitanja ZDK i FBiH, Općina Kakanj nastoji da iz svog budžeta pomogne ovoj populaciji. Tokom 2016. godine za jednokratne novčane pomoći boračkim populacijama isplaćeno je 105.590,00 KM. Osim toga, Općina Kakanj finansira i rad boračkih udruženja, koja kroz svoj rad, iz dijela sredstava koja dobiju od Općine, pomažu pripadnicima boračkih populacija. U 2016. godini, iz Budžeta Općine Kakanj boračkim udruženjima je isplaćeno ukupno 151.341,00 KM.

Kada je u pitanju pomoći kantona boračkim populacijama u 2016. godini odobrena je vanredna pomoć za 225 korisnika (66.700,00 KM), pomoć za liječenje za 152 korisnika (58.500,00 KM), pomoć za troškove dženaze/ sahrane za 26 korisnika (14.121,00 KM), pomoć za stambeno zbrinjavanje za 9 korisnika (49.867,57 KM), boračke stipendije (isplaćene stipendije za 199 studenata iz Kaknja u iznosu od 135.500,00 KM), za udžbenike 267 korisnika (34.450,00 KM), te banjsko liječenje za 11 korisnika. Od strane Ministarstva za boračka pitanja ZDK odobrena su i sredstva u iznosu od 5.000,00 KM za sufinansiranje sanacije spomen obilježja Semizovac.

Iz Federalnog ministarstva za pitanja boraca i invalida isplaćen je iznos od 2.026.195,82 KM na ime porodičnih i ličnih invalidnina.

Sredstva za liječenje, zdravstveno osiguranje i ortopedski dodatak odobrena su za 156 korisnika, kredit za zapošljavanje za 2 korisnika, kirije za 2 korisnika, subvencije komunalnih usluga za 100 korisnika...

Svi značajni datumi i manifestacije iz perioda odbrambeno-oslobodilačkog rata 1992.-1995. godina i NOR-a (obilježavanje dana "Zlatnih ljiljana", dana „Dana patriotske lige“, spomena „Kamenica-Popova Luka“, spomena „Misoča“, spomena „Semizovac“, dana „RVI“, godišnjice 309. brdske brigade, dana poginulih civila Hrvata-Grmače 1993, dana poginulih civila Bošnjaka-Poljani 1993, 27. jula – Dana ustanka naroda i narodnosti BiH, turnira za Dan šehida i poginulih boraca, godišnjice formiranja OPŠO i 311. lahke brigade, organizovanje obilježavanja spomena Srebrenica i dr.), u Kaknju se obilježavaju na dostojanstven način, a glavni finansijer organizacije obilježavanja je Općina Kakanj.

Općina Kakanj finansira i izradu Monografije "Kakanj u odbrani od agresije".

U protekloj godini Općina je sufinansirala Službu hitne medicinske pomoći i Hemodijaliznog centra (60.000 KM).

Zajedno sa JU „Centar za socijalni rad“ Kakanj nastavlja se pružati podrška socijalno ugroženim kategorijama stanovništva naše općine (stalna novčana pomoć, druge materijalne pomoći, osiguranje jednog obroka dnevno u vrijeme nastave, troškovi sahrane, smještaj u JU za predškolski odgoj Mladost Kakanj i dr.) Iz Budžeta Općine Kakanj izdvajaju se značajna novčana sredstva za stalnu socijalnu pomoć. Putem Centra za socijalni rad Kakanj, isplaćuju se jednokratne novčane pomoći za porođaj (stimulacija nataliteta) i opremu novorođenog djeteta.

Općina pruža finansijsku podršku humanitarnim organizacijama. Osigurali smo sredstva za rad javne kuhinje „Merhamet“, namijenjena najugroženijoj kategoriji stanovništva, te sredstva za subvencije

komunalnih usluga za socijalno ugrožena lica. Za rad Crvenog križa u 2016. godini iz Budžeta Općine Kakanj izdvojena su sredstva u iznosu od 10.000,00 KM. U narednom periodu planiramo otkupljivanje poljoprivrednih proizvoda od socijalno ugroženih lica i ustupanje istih Javnoj kuhinji Merhametu, Crvenom križu i drugim humanitarnim akcijama. Radno sposobna socijalno ugrožena lica, podržavamo podsticajima za samoupošljavanje u poljoprivredi ili obrtu.

Pružili smo punu podršku aktivnostima i radu Koordinacionog tijela za socijalnu politiku općine Kakanj, te aktivnostima koje provodi Koordinaciono tijelo za praćenje stanja nasilja u porodici i pružanje pomoći žrtvama nasilja na području općine.

I u školskoj 2016/2017. godini Općina Kakanj finansira užinu za djecu iz socijalno ugroženih porodica koje ostvaruju stalnu socijalnu pomoći. Za svako dijete izdvaja se po 1 KM za svaki radni dan tokom mjeseca. Sredstva se isplaćuju putem Centra za socijalni rad Kakanj. U 2016. godini realizirani su i poslovi vezani za zdravstveno osiguranje učenika i studenata, samohranih majki i djece do polaska u školu.

Nastavili smo sa realizacijom projekta „Stambeno zbrinjavanje Roma na području općine Kakanj“ (u saradnji sa Ministarstvom za ljudska prava i izbjeglice BiH, sa organizacijom „Hilfswerk“ Austrija, sa Caritasom i dr.), a u narednom periodu planirane su i aktivnosti u vezi stambenog zbrinjavanja drugih socijalnih kategorija stanovništva.

Izgradnja novih objekata za stambeno zbrinjavanje socijalno ugroženih porodica Roma rezultira stvaranjem uslova za rušenje bespravno izgrađenih i neuslovnih objekata u naselju Varda. U proteklom periodu uklonjeno je nekoliko ovakvih objekata. Značajna novčana sredstva koja su došla u Kakanj su rezultat ozbiljnog pristupa općinske administracije rješavanju problema stanovanja u naselju Varda, te nastojanja da se ova lokacija urbanizira i uredi, što su donatori prepoznali, te u konačnici uvrstili Kakanj među općine u kojima će graditi stambene jedinice za Rome.

Općina Kakanj pruža finansijsku podršku Centru za djecu sa posebnim potrebama Zenica, Dnevnom centru za djecu i odrasle osobe sa posebnim potrebama u Visokom i UG Medica Zenica (sufinansiranje sigurne kuće odnosno projekta „Zbrinjavanje žrtava nasilja u porodici“).

Za stanarine-kirije raseljenim osobama, stanarine-kirije licima pogodenim prirodnom nesrećom, te za jednokratne novčane pomoći isplaćen je iznos 26.570,00 KM. Pomoći za raseljene i povratnike, te potporu obnove i izgradnje povratnicima iz Budžeta Općine Kakanj za 2016. godinu iznosila je 75.782,41 KM.

VII CIVILNA ZAŠTITA I SIGURNOST GRAĐANA

U 2016. godini težište djelovanja Službe civilne zaštite u pogledu sanacije klizišta bilo je na sanaciji klizišta koja ugrožavaju stambene objekte. Odvodnja oborinskih i podzemnih voda iz zone klizišta vršena je u saradnji sa stanovništvom na način da se drenaže cijevi dodijele vlasnicima parcela, te da oni izvrše ugradnju. U svrhu iskopa kanala, te za izradu drenaže i uklanjanje dijelova kliznih površina koji su sprječavali prohodnost puteva Služba civilne zaštite je angažirala potrebnu mehanizaciju. Ove palijativne mjere su provedene u Lučićima, Modrinju, Brnu, Desetniku, Bukovlju, Hausovićima, Zagradu, Živaljima, Velikim Trnovcima, Vehabima, Povezicama, Nažbilju, te u blizini Vatrogasnog doma Doboju.

Početkom decembra 2016. godine počeli su radovi na sanaciji klizišta u naseljima Brnj, Kraljeva Sutjeska i Tršće, te u ulici Omera Maslića, na lokacijama gdje su ugroženi stambeni objekti i infrastruktura. Realizacijom ovih aktivnosti steciće se uslovi za povratak jedne porodice kući (Kraljeva Sutjeska), dok će na ostalim lokacijama biti umanjen sigurnosni rizik.

Općina Kakanj kontinuirano radi na jačanju i materijalnom opremanju struktura civilne zaštite. Tokom 2016. godine izvršena je nabavka specijaliziranog vozila četverotočkaša za potrebe Profesionalne vatrogasnog jedinice Kakanj (PVJ). Radi se o četverotočkašu specijaliziranom za više namjena. Naime, vozilo ima priključak za gratalicu pa će se moći upotrebljavati i za čišćenje puteva od snijega pri intervenciji vatrogasaca. Vozilo ima i prikolicu. Ove karakteristike će omogućiti da tokom ljetnog i zimskog perioda vatrogasci mogu brzo stići do svake lokacije na kojoj se ukaže potreba za intervencijom, a bit će u prilici da sa ovim vozilom sa bilo koje tačke izvrše transport povrijeđenih lica, da izvrše dostavu hrane i lijekova na svaku lokaciju itd.

Izvršena je i nabavka rafting-čamca sa opremom za spašavanje na vodi i pod vodom, nabavka motorne pile, pumpe muljarice, kosilice i trimera, uniformi za intervencije, šljemova... Izvršena je i nabavka 10 kompleta uniformi za povjerenike civilne zaštite, te nabavka materijalno-tehničkih sredstava za jedinice civilne zaštite opće namjene (lopate, kramp, sjekire, rukavice).

Poduzete su i aktivnosti oko izrade projekta za uspostavljanje jedinstvenog i automatizovanog sistema obavještavanja i uzbunjivanja stanovništva na području općine Kakanj i projekta sistema radio mreže Službe CZ Općine Kakanj (izrada projekta za sistem UKT veza i sistema uzbunjivanja stanovništva).

Tokom 2016. godine izvršena je obuka 6 pripadnika PVJ u oblasti spašavanja na vodi i pod vodom.

Na susretima vatrogasaca Zeničko-dobojskog kantona, koje je povodom 4. maja – Svjetskog dana vatrogasaca, organizirao Vatrogasni savez ZDK 7. maja 2016. godine u Nemili (Zenica) učestvovali su i profesionalni i dobrovoljni vatrogasci iz Kakanja. Manifestacija čiji je cilj zbližavanje, druženje i širenje saradnje među vatrogascima ZDK sadržavala je pokazne vježbe koje su izveli vatrogasci iz Kakanja (podmladak i muško odjeljenje), Zenice – žensko i muško odjeljenje i Visokog – muško odjeljenje. U izvođenju pokaznih vježbi kakanjski vatrogasci su, između ostalog, koristili i vatrogasnou pušku, te vatrogasni top – savremena sredstva za gašenje požara koja je prošle godine kupila Općina Kakanj. Upriličene su i sportske aktivnosti u kojima su kakanjski vatrogasci ostvarili odlične rezultate. U navlačenju konopca naši vatrogasci su osvojili prvo, a u šahu treće mjesto. Domaćin ove manifestacije bilo je Dobrovoljno vatrogasno društvo Zenica.

Na Međunarodnom malonogometnom turniru vatrogasaca koji je 23. oktobra 2016. godine odigran u Areni Zenica prvo mjesto osvojila je, drugu godinu zaredom, ekipa PVJ Kakanj. Na turniru su još nastupile ekipе Dobrovoljnog vatrogasnog društva Jelah, Dobrovoljnog vatrogasnog društva Zenica, Dobrovoljnog vatrogasnog društva Beli Manastir (Republika Hrvatska), ekipa Profesionalne vatrogasne jedinice Zenica, ekipa Profesionalne vatrogasne brigade Sarajevo, te ekipa Dobrovoljnog vatrogasnog društva Tešanj.

Prema podacima sa kojima raspolaže Služba civilne zaštite općine Kakanj i PVJ Kakanj u 2016. godini na području općine Kakanj evidentirano je ukupno 136 požara i 43 intervencije za prevoz vode i sapiranje. U odnosu na prošlu godinu PVJ Kakanj je imala 67 intervencija manje. Ovakvi pozitivni rezultati su posljedica adekvatnog provođenja preventivnih mjera u oblasti zaštite od požara i posljedica porasta svijesti građana o opasnostima koje prijete u slučaju nastanka požara. Međutim, brojka šumskih požara i požara suhe trave i niskog rastinja je gotovo identična prošlogodišnjoj brojci što predstavlja obavezu da se u budućem periodu pojačaju aktivnosti na preventivnom djelovanju u ovoj oblasti. Ta aktivnost obuhvata i obavezu da u preventivnim aktivnostima više učestvuju i pravna lica iz oblasti šumarstva, te da ista budu više osposobljena za gašenje požara čime bi adekvatnije izvršavala svoju zakonsku obavezu.

U slučajevima požara na vozilima i saobraćajnim nesrećama kakanjski vatrogasci su intervenirali 8 puta što je za 4 manje u odnosu na prošlu godinu. Broj tehničkih intervencija koje se odnose na otključavanje stanova, prijevoz vode i slično iznosi 24 što je duplo manje u odnosu na prošlu godinu. Broj intervencija u slučajevima požara na stambenim objektima iznosi je 5 što je također duplo manje u odnosu na prošlu godinu. U slučajevima zapaljenja dimnjaka vatrogasci su intervenirali 15 puta, dok su prošle godine imali 13 ovakvih intervencija. U slučajevima zapaljenja kontejnera, guma i sijena broj intervencija je iznosi 26, dok je prošle godine bilo 56 intervencija ove vrste.

Tokom 2016. godine na području Kakanja prikupljena su 43 komada neeksplodiranih ubojnih sredstava, a radilo se o tromblonima, minama, bombama i sl. Prikupljeno je i 120 komada sitne municije kalibra 7,62 mm.

U protekljoj godini poduzeli smo razne aktivnosti u vezi podizanja nivoa sigurnosti građana i zaštite njihove imovine, zalagali se za sve aspekte sigurnosti u svim segmentima života od imovine, saobraćaja, dječije igre, šetnje, vožnje biciklom..., te podsticali građane na veću saradnju sa policijskim organima radi efikasnije zaštite.

VIII LOKALNA UPRAVA – OPĆINSKE SLUŽBE KAO SERVIS GRAĐANA

U proteklom periodu smo uspostavili efektivnu, efikasnu i odgovornu općinsku upravu prilagođenu potrebama građana i poslovnih subjekata. Omogućili smo građanima i pravnim licima da što efikasnije i jednostavnije ostvaruju svoja prava i izvršavaju svoje obaveze, poboljšali smo protok informacija unutar administracije, te prema građanima i poslovnim subjektima. I tokom 2016. godine nastavili smo intenzivno raditi na putu ka novoj i modernoj lokalnoj administraciji na temelju novih tehnologija, znanja, vještina i procesnog pristupa. Prioritetan cilj je stvaranje efikasnije općinske uprave. Svaki zaposlenik u administraciji Općine mora biti odgovoran i svjestan da postoji zbog građana, preduzeća i drugih subjekata, te da mu je glavni zadatak profesionalna, stručna, kvalitetna i brza usluga.

Švicarska certifikacijska kuća SGS (Société Générale de Surveillance SA), sa sjedištem u Ženevi, dodijelila je Općini Kakanj certifikat ISO 9001:2008 za aktivnost "Realizacija lokalne uprave i samouprave". Općina Kakanj je tokom 2016. godine uspješno prošla nadzorni audit, čime je potvrđeno da je Općina Kakanj efektivno primjenila planirani sistem upravljanja, da je sistem upravljanja sposoban ostvariti ciljeve i politiku organizacije, te da je u skladu sa zahtjevima standarda. Potvrda nadzornog audita da se poštuje standard ISO 9001:2008, za Općinu Kakanj predstavlja veliku čast i zadovoljstvo, ali i obavezu da se nastavi putem kontinuiranog poboljšanja kvalitete pružanja usluga građanima općine Kakanj.

Općina Kakanj nastavlja razvijati koncept savremenih administracija koji kaže "Putuju podaci, a ne građani". Naš cilj je elektronska uprava. Temeljni posao na tom putu je završen, ostaju dogradnja, upotpunjavanje, otklanjanje slabosti i poboljšanja. Imamo neposredan uvid u trajanje svakog predmeta, kao i

grupa predmeta po uposlenim, po odjelima i službama, kao i administraciju u cjelini. Nastojimo pojednostaviti sve administrativne postupke koji se odnose na izdavanje dozvola, uvjerenja, saglasnosti i ostalih akata na nivou općine. Ubrzo uvodimo nove servise u cilju poboljšanja pružanja usluga: e-matičar, e-dijaspora i dr.

U radu Općinskog vijeća uveden je "eParlament sistem" koji omogućava glasanje vijećnika elektronskim putem i upotrebom službenih tablet uređaja za glasanje. Svaki vijećnik je dobio po jedan tablet uređaj za glasanje, te korisničko ime i šifru. Na ovaj način vijećnici potvrđuju prisustvo sjednici, usvajaju zapisnike ili prijavljuju primjedbe, upućuju prijave za izjašnjavanje, glasaju biranjem opcija "za", protiv" i "suzdržan", prijavljuju se za diskusiju, ispravku krivog navoda ili povredu poslovnika... Sistem "eParlament" vijećnicima omogućava pristup materijalima za sjednice, omogućava slanje određenih dokumenata Stručnoj službi za poslove Općinskog vijeća, te druge opcije. Rezultati glasanja elektronskim putem se prikazuju na velikom displeju koji je postavljen u sali Općinskog vijeća Kakanj. Svim vijećnicima materijali su dostupni u elektronskoj formi.

U Kakanju je obezbijedeno besplatno pravno savjetovanje iz oblasti građanskih prava. Besplatna pravna pomoć građanima se pruža u novoj zgradi Općine Kakanj, svakog drugog petka, od 9,00 sati. U svrhu pružanja besplatne pravne pomoći Općina Kakanj je obezbijedila prostor, te informatičku podršku.

Općinski načelnik je svakodnevno u svom uredu održavao sastanke sa predstavnicima svih relevantnih institucija koje mogu pomoći u realizaciji razvojnih planova u općini Kakanj. U 2016. godini Općinu Kakanj su posjetili brojni predstavnici diplomatskog, političkog, privrednog i kulturnog života (član Predsjedništva BiH, gosp. Bakir Izetbegović, Predsjedavajući Vijeća ministara BiH, gosp. Denis Zvizdić, Šef misije/ Ambasador OSCE-a u BiH, NJ.E. Jonathan Moore, Ambasador Republike Slovenije u BiH, NJ.E. Iztok Grmek, Ambasador Japana u BiH, NJ.E. Kazuya Ogawa ...).

Uzeli smo aktivno učešće i u radu Saveza općina i gradova FBiH, te nastavili saradnju sa drugim općinama, kako u zemlji tako i u inostranstvu.

U Centru za pružanje usluga u 2016. godini zabilježeno je oko 105.000 posjeta. Izvršene su 68.654 ovjere potpisa, rukopisa i prijepisa, te autentičnosti rukopisa ili potpisa na punomoći, zaprimljeno je 29.947 zahtjeva građana, izdato je 21.518 izvoda i uvjerenja iz matičnih evidencija, izvršeno je 3.817 elektronskih provjera podataka građana u matičnim knjigama i dr.. Tokom 2016. godine na području općine Kakanj obavljeno je 285 vjenčanja. Ažuriranje centralnog biračkog spiska Općine Kakanj je u završnoj fazi.

U narednom periodu potrebno je poduzeti dodatne aktivnosti na jačanju mjesnih zajednica i doprinijeti njihovom efikasnijem radu u službi građana.

U 2016. godini Odsjek za inspekcije izdao je 133 prekršajna naloga u ukupnoj vrijednosti od 24.760,00 KM što je za 6 puta više u odnosu na ranije definiranu plansku projekciju da se u Budžet Općine Kakanj po osnovu kažnjavanja iz nadležnosti inspekcije uplati 4.000,00 KM. Općinska inspekcija je obradila ukupno 642 predmeta. Zaprimljeno je i obrađeno 335 inicijativa-prijava savjesnih građana. Pored redovnih svakodnevnih aktivnosti, Odsjek za inspekcije je u protekloj godini realizirao i aktivnosti na sprječavanju haosa u pogledu predizbornog plakatiranja. Posebne aktivnosti općinski inspektor su proveli i tokom preseljenja robne pijace na novu lokaciju. Općinska inspekcija je izvršila prisilno uklanjanje 17 građevina i 6 drugih predmeta. Tokom 2016. godine općinski inspektori i eko-redar su radili i u dane vikenda. Svim savjesnim građanima zahvaljujemo za dojave, sugestije i pomoći koju su pružali inspekciji, te ih pozivamo da nastavimo sa ovakvom praksom koja donosi rezultate. Onima koji su skloni činjenju prekršaja poručujemo da će inspekcija raditi još odlučnije i istrajnije jer reda mora biti!

Tokom 2016. godine u Odsjeku za geodetske poslove i katastar nekretnina izvršeno je provođenje na serveru 662 rješenja o naslijedivanju, 299 ugovora o kupoprodaji, 165 ugovora o poklonu i 109 rješenja koja je dostavio Odsjek za imovinsko-pravne poslove. Provedeno je 266 promjena vlasništva na parcelama, izdata su 944 uvjerenja o posjedovanju nekretnina po raznim osnovama, izdato je 1.305 prepisa posjedovnih listova, izdato je 1.526 kopija katastarskog plana, provedena su 292 rješenja suda, realizirano je 198 cijepanja parcela na terenu i 47 uplanjenja objekata...Ukupna brojka obrađenih i zaključenih predmeta u Odsjeku je 4.621, a Odsjek je naplatio 124.875 KM obračunatih novčanih potraživanja.

Krajem 2016. godine Odsjek je realizirao aktivnosti na harmonizaciji zemljишnih knjiga u tri katastarske općine – Čatići, Kakanj i Doboј koje obuhvataju 9.846 parcela. Radi se o pilot projektu Federalne geodetske uprave Sarajevo u okviru kojeg je građanima omogućeno da bez plaćanja sudske i drugih taksi riješe imovinsko-pravni status svojih nekretnina. Nastavljeno je prikupljanje podataka za nadzemne i podzemne instalacije na cjelokupnoj teritoriji naše općine, a radi uvođenja katastra komunalnih uređaja – instalacija.

Iz obimnog statističkog prikaza godišnjih aktivnosti Odsjeka za imovinsko-pravne i stambene poslove izdvajamo nekoliko stavki. U 2016. godini realizirano je 5 predmeta utvrđivanja javnog interesa, 9 predmeta prodaje zemljišta u skladu sa Zakonom o stvarnim pravima FBiH, obrađena su 2 predmeta utvrđivanja prava vlasništva na zemljištu pod zgradom i zemljišta za redovnu upotrebu zgrade, 11 predmeta

usklađivanja katastarskog stanja, 2 predmeta davanja imovine na upravljanje, korištenje i održavanje...Jedan stan je vraćen u posjed vlasnicima. Doneseno je 5 rješenja o imenovanju prinudnog upravitelja. Do sada su zaključeni ugovori sa upraviteljima za 97 zgrada u Kakanju, a ukupno je doneseno 49 rješenja o imenovanju prinudnog upravitelja. Odsjek kontinuirano radi, zajedno sa donatorima, na realizaciji projekata izgradnje zgrada socijalnog stanovanja u naselju Varda u koje se zbrinjavaju socijalno ugrožene porodice Roma. U 2016. godini realizirane su aktivnosti na izgradnji pete po redu zgrade. U toku su i aktivnosti na osiguranju novčanih sredstava kako bi se i u sljedećoj godini, također uz pomoć donatora, uz učešće Općine Kakanj, izgradila i šesta zgrada. Paralelno sa ovim aktivnostima Odsjek je, zajedno sa donatorima, radio i na pripremi projekta uređenja zone oko novoizgrađenih zgrada socijalnog stanovanja u naselju Varda. Cilj projekta koji nosi naziv "Oaza" je prostor oko ovih zgrada i prostor oko pomoćnog stadiona FK "Rudar" pretvoriti u edukativni zabavni park i igralište. Odsjek je pokrenuo i aktivnost u okviru koje je pozvao fizička i pravna lica koja su zauzela i usurpirala manje površine državnog zemljišta koje se nalazi u neposrednoj blizini njihovog privatnog zemljišta i izgrađenih objekata da podnesu prijavu o zauzimanju državnog zemljišta, te pismeno izraze interes za državno zemljište s kojim graniče, a sve sa ciljem rješavanja imovinsko-pravnih odnosa u skladu sa važećim zakonima. Poduzete su aktivnosti u vezi označavanja naziva naseljenih mjesta, ulica i trgova, utvrđivanja kućnih brojeva, označavanja zgrada/objekata brojevima, te utvrđivanja registra mjesnih zajednica, naselja, ulica, trgova i kućnih brojeva. U završnoj fazi je izrada Registra imovine u vlasništvu Općine Kakanj.

U Odsjeku za boračka pitanja primljeno je ukupno 4.851 zahtjev, od čega je 4.484 pozitivno riješeno, a 367 odbačeno, odnosno odbijeno.

U 2016. godini donešeno je 91 rješenje o urbanističkoj saglasnosti, 160 rješenja o korištenju javnih površina, 55 rješenja o odobrenju za građenje, te 19 rješenja o odobrenju za upotrebu objekta-tehnički prijem objekata.

Na sjednicama Općinskog vijeća Kakanj zabilježen je visok nivo konsenzusa o pitanjima koja su od općeg interesa za građane Kakanja, što znači da su interesi Kakanja stavljeni iznad političke pripadnosti, te pripadnosti poziciji ili opoziciji. Kakanj je u protekljoj godini bio svjetli primjer u pogledu odnosa svih vijećnika prema interesima grada Kakanja i svih njegovih građana, dok u nekim drugim sredinama građani ispaštaju zbog izostanka međusobnog uvažavanja, saradnje, dijaloga i konsenzusa u tijelima koja donose važne odluke.

U izvještajnom periodu, Općinsko vijeće Kakanj je održalo 11 sjednica i razmatralo 172 tačke dnevnog reda. Na programe i planove odnosilo se 28 tačaka. Na vijećničkim klupama našlo se 58 odluka. Usvojeno je 28 zaključka, 42 izvještaja i 6 informacija. Donešena su i 24 rješenja koja se odnose na imenovanja i razrješenja članova Upravnih odbora javnih ustanova, članova Skupština javnih preduzeća i članova radnih tijela i komisija Vijeća. Postavljeno je 41 vijećničko pitanje, pokrenute 63 inicijative i dr..

Pored obavljenih poslova u pripremanju i održavanju sjednica Vijeća, u izvještajnom periodu Stručna služba za poslove Općinskog vijeća je izvršavala i sljedeće poslove i radne zadatke: priprema i održavanje 10 sjednica Kolegija Općinskog vijeća, izrada 11 zapisnika i audiozapisa sa sjednica Vijeća, izrada prijedloga okvirnog programa rada Vijeća za 2017. godinu, izrada 304 izvornika usvojenih akata Vijeća, priprema, obrada i redakcija za 11 izdanja „Službenih novina Općine Kakanj“ sa 205 objavljenih akata, ažuriranje Registra propisa Općine Kakanj za 2016. godinu za Registar propisa Zeničko-dobojskog kantona i Registar propisa Općine Kakanj 1996. – 2016 ...

U toku 2016. godine podneseno je 12 zahtjeva za pristup informacijama i svi zahtjevi su blagovremeno riješeni. Također, u roku je dostavljen izvještaj Parlamentu FBiH i Instituciji ombudsmena.

Stepen ostvarene demokratičnosti u jednoj zajednici mjeri se, između ostalog, i učešćem građana u procesu donošenja odluka koje su od općeg interesa. Kako bismo osigurali osnovne prepostavke za uključivanje građana u ove procese, u skladu sa principom "Informiran - educiran - aktivan", trudili smo se u proteklom periodu da kontinuirano izvještavamo o svim aktivnostima općinskog organa uprave, a uspostavljali smo i alate dvosmjerne komunikacije kako bi se čuo glas građana. Naš cilj je od građana dobiti povratne informacije. Stoga, građane pozivamo da putem alata komuniciranja (društvene mreže, web-stranica Općine Kakanj, kutija za komentare i žalbe u prijemnoj kancelariji itd.) iskažu svoje mišljenje, sugestiju, kritiku ili primjedbu koja se odnosi na rad općinskih službenika. Općina Kakanj omogućava i druge načine upućivanja komentara poput komunikacije putem Facebook fan page-a Općina Kakanj, putem e-maila opcinaka@bih.net.ba i urednacelnika@kakanj.com.ba, upućivanjem pisma na adresu Općine Kakanj i dr..

Službena web-stranica je redovno ažurirana, komunicirali smo sa građanima putem Facebook-a, redovno se na adrese tridesetak medijskih kuća i novinara šalju informacije iz Općine, svakodnevno smo bili na usluzi novinarima i dr.. Sve one inicijative, sugestije, prijave, pohvale i kritike koje su dobronamjerno napisane kako bismo zajedno gradili sigurnije i uređenije okruženje, pratimo, čitamo i bilježimo. Svaka anonimna prijava

nelegalnih aktivnosti u okruženju je zaprimljena i bila je predmet postupanja i intervencije. Svim građanima koji žele ostati anonimni garantiramo anonimnost.

Na poslovima informiranja javnosti radili su gotovo svi uposlenici Općine Kakanj. Eko-redari, službenici, referenti, vatrogasci, uposlenici Zavoda, kolege iz javnih preduzeća i ustanova, svi su bili angažirani na dostavljanju informacija (zapisnici, fotosi, izvještaji...) u Stručnu službu za poslove Općinskog načelnika gdje se vrši obrada podataka, te objavljivanje informacija putem raspoloživih alata informiranja.

U Općini Kakanj se realiziraju brojne aktivnosti koje su usmjereni na povećanje stepena profesionalnosti i učinkovitosti rada u šalter-sali, kao i u područnim matičnim uredima. Aktivnosti su, između ostalog, usmjereni i na povećanje stepena profesionalnosti i ljubaznosti osoblja koje radi u šalter-salama. Održano je nekoliko sastanaka na kojima se razmatrala učinkovitost rada službenika na šalterima, upućeno je nekoliko smjernica za rad u budućem periodu, te je naglašena potreba potpune primjene etičkog kodeksa. Naglašeno je da svaki korisnik usluga koje pruža Općina Kakanj mora biti dočekan i ispraćen sa osmijehom i vrhunskom ljubaznošću u šalter-sali i svim općinskim službenim prostorijama. Gradani su pozvani da prijave slučajevne neprofesionalnog i neljubaznog osoblja na šalterima, kao i drugih službenika Općine Kakanj.

U programima brojnih TV kuća i medija, tokom 2016. godine, često se o Kakanju govorilo u lijepom kontekstu. Imamo razloga za ponos zbog činjenice da je naš grad u žiži interesiranja javnosti u BiH i šire.

Na kraju 2016. godine održana je press konferencija na kojoj su govorili Općinski načelnik i Predsjedavajući Općinskog vijeća Kakanj. Press-u je prisustvovao veliki broj novinara i saradnika Općinskog načelnika.

Z A K L J U Č A K

Kao i prethodnih godina, Općina Kakanj će kao jedinica lokalne samouprave biti pokretač aktivnosti u stvaranju i poboljšanju ukupne ekonomske situacije, kroz podršku lokalnom ekonomskom razvoju, javno i transparentno izvršenje budžeta i stvaranje partnerstva između općine, privrednog i nevladinog sektora. Općinski načelnik izražava apsolutno opredjeljenje za ubrzanim razvojem općine Kakanj.

U narednom periodu aktivnosti će biti posebno usmjereni na oblasti privrede i socijalne zaštite kao najopterećenijih oblasti preko kojih građani najviše rješavaju svoje životne probleme. Uz angažovanje budžetskih sredstava posebnu pažnju ćemo posvetiti rješavanju najaktuuelijeg problema, a to je nezaposlenost na području naše općine. Unaprijedit ćemo poslovanje javnih ustanova, kao i njihovo mjesto i ulogu u razvoju lokalne zajednice (uposlitih u punom kapacitetu, centralizovati finansije i računovodstvo i sl.), a kapacitete javnih preduzeća ćemo razvijati kao značajan općinski potencijal. Razvijat ćemo pravilnu politiku upravljanja ljudskim resursima, te na odgovorna mjesta postavljati sposobne i odgovorne ljude.

Pored planiranih poslova, Općinski načelnik će svoje aktivnosti usmjeriti i na sva ostala pitanja koja se nametnu kao važna, a sve u cilju da područje općine Kakanj postane privlačnije za biznis, rad, ali i život i perspektivu stanovništva.

Broj: 02/1-1517/17
Kakanj, 24.03.2017. godine

OPĆINSKI NAČELNIK

Nermin Mandra